

**Ethica Symbolica E Fabularum Umbris In Veritatis Lucem
Varia Ervditione Noviter evoluta**

Pexenfelder, Michael

Monachii, 1675

4. Crudeles tyranni.

[urn:nbn:de:hbz:466:1-68709](#)

tho *Parca* beneficii loco imputavit morulam, quā paulò tardius ad inferos descenderet. Hujusmodi sunt ferè tyrannorum & latronum beneficia, qui solent hoc ipsum magni beneficii loco imputare, quod aut minus aut serius noceant. In hanc sententiam Cicero Philipp. 2. Quod est aliud beneficium latronum, nisi ut commemorare possint, iis se vitam dedit, quibus non ademerint.

IV. (d) In eo quoque Polyphemus Tyrannos refert, qui epulas suas humano sanguine instruunt. Hinc *Cyclopica vita*, id est, effera, batbara, crudelis, immanis, Divūm hominūque contemptrix. Quām arroganter Cyclops apud Homerum compellat Ulyssem, vitæ suæ, sociorumque gratiam per superos rogantem!

Desipis, aut certè longinquis hospes ab oris
Hic ades, ut qui me jubeas, curáve moveri,
Sive timore Deūm: neque enim Cyclopica turba
Curamus suminūmve Jovem, Divósve beatos.

Eiusmodi Polyphemi fuerunt Bajazetes, de quo Surius anno Chr. 1511. Expugnata Metone Peloponēsi urbe, promiseaque in omnem sexum, ætatem, conditionem strage edita, mille erant capita vel servituti vel libidini servata. Captivi longis adstricti funibus ad Bajazetis prætorium perducti, sævissimi Tyranni jussu sub ejus oculis immane trucidati sunt. Talis Polyphemus fuit Lucius Cornelius Sylla Dictator Roman. qui in bello Mariano septem millia militum contra se arma ferentium in *Circum* maximum conclusos jugulari imperavit. Sub ipsum orationis suæ principium, quam in æde Bellonæ ad senatum habuit, coorto ad tot occisorum miserandos ejulatus in omnium Senatorum animis horrore, concussionequem mentium; ipse sedens vultu immoto jussit eos auribus & animis sibi dicenti adesse; in pauculas enim mastigias suo imperio animadverti. Non secūs ac si tot millium laniena, non nisi canis unius, aut anseris esset decollatio. Volesus sub Augusto, Asiae Proconsul, qui ducentos quinquaginta uno die securi percussit, ut Seneca scribit de ira c. 5. Incedens inter cadavera superbo vultu, quasi magnificentum quiddam, conspiciendumque fuisse. Græcē proclamavit, ὁ περὶ γυμναῖς Βασιλικόν. ὁ regiam rem! Talis Hannibal, quem dixisse ferunt, cum fossam plenam humano sanguine vidisset: ὁ formosum spectaculum! Talis Aulus Vitellius, qui cum adisset campos, in quibus à suis legatis erat pugnatum contra Othonem, cadaverum tibe horrentes, detestabili voce dixit: optimè olere occisum hostem, & magis eivem. Sueton.

(d) Crudelitas tyranni.

ton c 10. Talis C. Caligula, cuius votum erat, unam ut cervicem populus Romanus haberet, quam unico iictu dejicere posset. Talis Phocas Orientalis Imperii invasor, cui in animo erat omnes ē medio tollere, in quibus nobilitatis, aut gloria, aut prudentia indicium esset. *Nicēph.* lib. 18. c. 55. anno Ch. 602. Talis *Ezelinus*, barbaro potius quam Italico solo dignus Tyrannus, qui XII. millia civium Patorum ad unum omnes uno compulso loco necari jussit. *Iovius*. Talis Wenceslaus Imp. & Bohemiæ rex, cui perpetuus comes carnifex & suppliciorum minister; quo tam familiariter utebatur, ut etiam filium ipsius de S. fonte levārit. *Dubrau.* lib. 23. Taceo Phalarides, Busrides, Diomedes, Mezentios & mille alios. Quibus omnibus crudelitatis monstris non defuit suus *Vlysses*, qui ultionem sumpsit, & ingurgitatem cruoris humani tabem revomere coēgit.

S Y M B O L U M L X X .

Vlysses Circæ triveneficæ incantamenta solvit.

14. *Metamorph.*

Ethicè.

1. Mutatio hominis in bestiam. 2. Illecebræ voluptatis malæ.

Circe, Solis & Perseidis Nymphæ filia, Ætæ, Colchorum regis soror, beneficiorum peritissima; Sarmatarum rege, cui nuperat, veneno sublato, regnoque per scelus parto, cum crudelius imparet, ab incolis pulsa, in Italiam profugit, & in Circæ monte sedem sibi delegit, *Scyllam* puellam in monstrum marinum transmutavit: *Picum*, Latinorum regem in avem sui nominis, alios in alias bestiarum formas vertit. Regiam inhabitabat splendidam, & medio in luce sitam, locum, omnibus delitiis affluentem. In primo limine hospitibus occurrebant variae belluae, sed cicuratæ, lupi, ursi, leones, canum instar eos adulantes. Post hos sece ferebant obviam, & adventores per atria marmore strata deducebant rara venustate Nymphæ; donec ad interiora veniretur. Ibi in conclavi ornatissimo, sublimis in throno, in aurea veste, & palla fulgida sedebat benefica, ad omnem humanitatem composita. In cuius ubi conspectum hospites venere, mox ipsa prior salutare,